

Isumannaallisaanermut piumasaqaatit pingaarnerit atortussianut innaallagiartortunut tunngasut sarfamut killiussat ilaasa iluanni atorneqartussatut naatsorsuutigineqartunut

1. Piumasaqaatit nalinginnaasut

- a) Atortussiami innaallagiartortumi imaluunniit tassaniinnissaat periarfissaqanngippat, taava uppersaasersuummi ilanngunneqarsimasumi paasissutissat pingaarnemit ilisimasassat, taakkualu eqqortinneqarnissaat piumasaqaataasut atortussiap innaallagiartortumut siunertaasoq naapertorlugu aamma naviananngitsumik atorneqarnissaanut tunngasut inissinneqassapput.
- b) Atortussiaq innaallagiartortoq taamatuttaarlu taasuma ilaa, imatut suliarineqassapput isumannaatsumik aamma illersorneqarnissaasumik ikkunneqarsinnaanngortillugit.
- c) Atortussiaq innaallagiartortoq ilusilerneqassaaq aamma saneqassaaq imatut taassuma navianarsinnaasunut illersuuteqarnissaa qulakkeerlugu, tassa immikkoortoq 2-mi aamma 3-mi allanneqarsimasunut tassanilu piumasaqaataavoq, taassuma atorneqarnissaanut atugassanngorlugit aamma isumannaatsumik aserfallatsaalineqassallutik.

2. Navianartunut atortussiamit innaallagiartortumit pisinnaasunit illersorneqarneq.

Teknikimut tunngatillugu qanoq iliornissamut maleruaqqusat aalajangersarneqartut immikkoortoq 1 naapertorlugu imaapput:

- a) Inuit aamma uumasuutit isumannaatsumik illersorneqassapput navianartunut timimik ajoqusiisinnaasunut imaluunniit ajoqusiinernut allanut, toqqaannartumik imaluunniit toqqaanngitsumik attuinermi pilersinnaasunut.
- b) Kissattoortoqarsinnaavoq, innaallattoqarsinnaavoq imaaluunniit qinngorneqalersinnaavoq navianartumik pilersitsisinnaasunik.
- c) Inuit, uumasuutit aamma pigisat naammaginartumik innaallagiartortuunngitsunut illersorneqassapput, tamakku misilittakkat malillugit atortussianit innaallagiartortunit attuumassuteqarsinnaasunut.
- d) Tapinnaallisaaneq sunniutaasinnaasunut siumut takorloorneqarsinnaasunut naleqqussarneqassaaq.

3. Navianartunut illersuusiineq atortussiamut innaallagiartortumut avataanit sunniutaasinnaasunut.

Teknikimut tunngatillugu qanoq iliornissamut maleruaqqusat aalajangersarneqartut immikkoortoq 1 naapertorlugu atortussiaq innaallagiartortut imatut inniassammata:

- a) Piumasaqaatit mekaniskiusunut tunngasut eqqortinneqassapput imatut, tassa inuit, uumasuutit aamma pigisat navianartorsiortinneqarsinnaajunnaarlugit.

- b) Sunniutaasut mekaniskiunngitsut akiorsinnaassavaat pissutsit avatangiisiniittunut siumut takorloorneqarsinnaasut akiorsinnaassallugit, taamaalinikkut inuit, uumasuutit aamma pigisat navianartorsiortinneqarsinnaajunnaarlugit.
- c) Inuit, uumasuutit aamma pigisat pissutsinut sakkortuallaamik sarfanittoornemut siumut takorloorneqarsinnaasunut navianartorsiortinneqarsinnaajunnaarlugit.

**Atortussiat aamma sunniutaasut najoqqutassiap matuma atuutsinneqarneranut ilaatin-
neqanngitsut**

Atortussiat innaallagiartortut, silaannarmi qaartoorfiusinnaasumut atorneqartussatut naatsor-
suutigineqartut.

Napparsimavinni tarrarsuinermi aamma nakorsaasarnermi atortussianut.

Elevatorini aamma nioqqutissanut elevatorini atortut innaallagiartortunut ilaat.

Innaallagiaqarneranut uuttuutini.

Innaallagissap ikkuffii iikkamiittut aamma innaallagissap aqputaanut ikkutakkanut.

Ungalulianut innaallagissamik sarfalikkanut sarfalersuutitut.

Radiumit aamma fjernsynimik akornusersuisunut.

Atortussianut innaallagiartortunut umiarsuarni, timmisartuni aamma qimuttuitsut aqputaasa eq-
qaanni atugassatut naatsorsuussani, taakkua assigissavaat isumannaallisaanermut aalajanger-
sakkat nunat tamalaat akornanni suliarineqarsimasut nuna EU-mi ilaasortaasut attuumassute-
qarfigisaat.

Sanaartugassatut katitigassatut immikkut suliaasimasuni taamaallaat ilisimatusarnermi aamma
ineriartortitsinermi atorneqartussani taamatullu atugassatut naatsorsuussaasuni.

MODUL A: Suliffeqarfimmi namminerimi nioqqutissiornermik nakkutilliineq

1. Suliffeqarfimmi namminerimi nioqqutissiornermik nakkutilliineq tassaavoq naapertuuttoqarneranut nalilersuinerimi periuseq, tassani nioqqutissiortup immikkoortoq 2, 3 aamma 4 pi-sussaaffiit taaneqartut nammineq akisussaassuseqarfigalugu eqqortissavai, qulakkiissallugit aamma uppersassallugu atortussiat innaallagiartortut pineqartut Europa-Parlamentip aamma Rådip peqqussutaani 2014/35/EU piumasaqaataasutut attuumassuteqartut eqqortillugit.

2. Teknikimut tunngatillugu uppersaasersuineq

Nioqqutissiortup uppersaasersuut teknikimut tunngasoq suliarissavai. Uppersaasersuut atortussiap innaallagiartortup piumasaqaatinut tassunga attuumassuteqartunik naleqqunnerrata nalilernerqarnissaa ajornarunnaartissavaa, tassungalu ilanngunneqassapput aarlerinaateqarsinnaasunik/aarlerinaateqarsinnaasunik sukumiisunik nalilersueqqissaarnerit. Uppersaasersuummut teknikimut tunngasumut ilanngunneqassapput piumasaqaatit atuuttut allaaserineqarnerat, tassa nalilersuinerimut tamakkua atortussiap innaallagiartortup sananeqarneranut, sanaartorneqarneranut aamma atorneqarneranut attuumassuteqarnerat apeqqutaatillugu.

Teknikimut tunngatillugu uppersaasersuummi tamanna attuumassuteqarpat, minnerpaamik immikkoortut ilanngunneqartussat tassaassapput:

- a) Atortussiap innaallagiartortup ataatsimoortumik nassuiaassutigineqarnera.
- b) Sananeqarnerani aamma nioqqutissiarineqarnerani titartakkat aammattaaq atortuisa, ikkusorneqarsimasut, innaallagiartortut aqquutit il.il. takussutissiarineqarnerat.
- c) Allaaserinninnerit aamma nassuiaatit titartakkanik aamma takussutissianik paasinninnissamut pisariaqartut, kiisalu atortussiaq innaallagiartortup atorneqarnermini qanoq ittarnera.
- d) Nalinginnaasunut naleqqussarsimasut tamakkiisunik imaluunniit ilaannakortumik atorneqartut allattornerat taakkua Den Europæiske Unions Tidende-mi innersuussutigineqarnerat imaluunniit nunat tamalaat akornanni nalinginnaasut pillugit immikkoortoq 13-imi aamma 14-imi saqqummiunneqarsimassapput, nalinginnaasunut naleqqussarsimasut imaluunniit nunat tamalaat akornanni imaluunniit nunami pineqartumi nalinginnaasut atorneqarsimangippata, tassa aaqqiissutit pineqartut pillugit allaaserisani Europa-Parlamentip aamma Rådip peqqussutaani 2014/35/EU isumannaallisaanermut piumasaqaataasunik eqqortitsisussatut siunertaralugu, tamatumunnga ilanngullugit immikkuualuttut teknikimut tunngasunut attuumassuteqartut atorneqarsimasut. Imaappat nalinginnaasunut naleqqussarneqarsimasut imaluunniit nunat tamalaat akornanni imaluunniit nunami pineqartumi nalinginnaasut ilaannaat immikkoortoq 13-imi aamma 14-imi taaneqartut atorneqarsimappata, taava uppersaasersuummi teknikimut tunngasumi saqqummiunneqassaaq sorliit atorneqarsimanerat.
- e) Sanaartorneqarnerani naatsorsuinerit inernerit, nakkutilliilluni misissuinerit il.il.
- f) Misileraanermi nalunaarutit.

3. Suliffeqarfik sanaartortuusooq

Nioqqutissiortup piareersaatit pisariaqartut tamaasa piareersassavai sanaartornermi periutsit aamma nakkutiginninnerit qulakkeerniarlugit, tassa atortussiap innaallagiartortup sanaartorneqartup immikkoortoq 2-mi teknikimut tunngatillugu uppersaasersuutit taaneqartut Europa-Parlamentip aamma Rådip peqqussutaanik 2014/35/EU-mi piumasaqaatinik attuumassuteqartunik eqqortitsinera qulakkeerniarlugu.

4. CE-mik nalunaaqutsiineq aamma EU-mi naapertuuttoqarneranut uppersaat

4.1. Nioqqutissiortup CE-mik nalunaaqutsiineq atortussiamut innaallagiartortumut ikkutissavaa tassani peqqussummi pineqartumi piumasaqaatit eqqortinneqassallutik.

4.2. Nioqqutissiortup EU-mi naapertuuttoqarneranut uppersaat allaganngorlugu suliarissavaa suussutsinut ilusilikkanut ataasiakkaanut tunngasoq, taamaaliornikkut atortussiap innaallagiartortup nioqqutigineqalersimanageraniit imaluunniit nioqqutigineqarsimanagerani ukiut 10-t qaangiunneranni nunami pineqartumi niuerfimmi nakkutiginninnissamut oqartussaasut taanna atorsinnaaniassammassuk.

EU-mi naapertuuttoqarneranut uppersaamma takuneqarsinnaassaaq atortussiaq innaallagiartortoq sorleq tassani pineqarnermoq. EU-mi naapertuuttoqarneranut uppersaat, niuerfimmi nakkutiginninnissamut oqartussaasut attuumassuteqartut, tamatuminnga piumasaqarpata atugassannngortinneqarsinnaanngorlugu.

5. Sinniisuutitatu piginnaatinneqartoq

Nioqqutissiortup pisussaaffii immikkoortoq 4-mi taaneqartut sinniisuutitatu piginnaatinneqartuani, taanna sinnerlugu aamma akissussaatiillugu eqqortinneqassapput, imaappat tamakku immikkuualuttunngorlugit pisinnaatitsissummi allassimappat.

EU-mi naapertuuttoqarneranut uppersarsaat (Nr. XXXX)¹

1. Nioqqutip suunera/nioqqut (nioqqutip, suunrata, imikkoortitikkatut imaluunniit serienormu):
2. Nioqqutissiortup aqqa aamma najugaqarfia imaluunniit taassuma sinniisuutitamisut piginnaatitaa:
3. Naapertuuttoqarneranut uppersarsaat manna suliarineqarpoq nioqqutissiortup akisussaaffia tunngavigalugu.
4. Naapertuuttoqarnerani pineqartoq (atortussiap innaallagiartortup ilisarineqarsinnaanera, taamaalilluni nanineqarsinnaassammat; assilisaq qalipaaticilik ilaasinnaavoq, naammaginartumik erseqqarissaaq, tamanna pisariaqarpat atortussiap innaallagiartortup ilisarineqarsinnaaneranut atorneqarsinnaalluni):
5. Uppersarsaanermi pineqartoq, matuma siuliani allaaserineqartut, taanna EU-mi naapertuuttoqarneranut uppersarsaammi naleqquttumut naapertuutissaaq:
6. Nalinginnaasumut naleqquttunut attuumassuteqartut atorneqartunut innersuussutit imaluunniit immikkuualuttunut teknikimut tunngasunut allanut, taakkua uppersarsarneqarlutik manna naapertorlugu:
7. Ilassutitut paasissutissat:

Atsiorneqarpoq una sinnerlugu; (sumi allanneqarfia aamma ulloq)

(Ateq, atorfik) (atsiorneq)

¹ Nioqqutissiortup nammineq toqqassavaa naapertuuttoqarneranut uppersarsaat normulissanerlugu.